



ԵՐԿՈՒՇԱԲԹԻ, 11 ՆՈՅԵՄԲԵՐ, 2019

ՏԵՐՈՒՆԱԿԱՆ ԱՂՈԹՔ

(միասնաբար արտասանուած)

Իմաստութիւն Հօր Յիսուս, րուր ինձ իմաստութիւն վարիս խորհել եւ խօսել եւ գործել առաջի քո յամենայն ժամ. ի չար խորհրդոց, ի բանից եւ ի գործոց փրկեա վիս. եւ ողորմեա քո արարածոց եւ ինձ բազմամեղիս: Ամէն:

ՍԱՂՄՈՍ 46

ԱՄԵՆԱԿԱԼ ԱՍՏՈՒԱԾԸ ՄԵՋԻ ՀԵՏ Է

Աստուած է մեր ապաւենն ու վօրութիւնը,
նեղութեանց մէջ շուրով հասնող օգնականը:
Հերեւաբար մենք չենք վախնար, նոյնիսկ եթէ աշխարհը սարսի,
եւ լեռները իյնան ծովերուն խորը:
Նոյնիսկ եթէ ալիքները շառաչեն ու փրփրին,
եւ լեռները դողան անոնց կապաղութենէն:
Ամենակալ Տէրը մեզի հետ է. մեր հայրերուն Աստուածը մեր ապաստանն է:
Եկէք, րեսէք Տիրոջ գործերը,
վարմանահրաշ գործերը՝ որ ան կ'ընէ երկրի վրայ:
Աշխարհի չորս անկիւններուն՝ պապերազմները կը դադրեցնէ,
աղեղները կը կոտրէ, նիվակները կը փշրէ,
եւ վահանները կրակով կ'այրէ:
«Դադրեցուցէք ձեր կռիւները, եւ ճանչցէք թէ ես եմ Աստուածը,
ես է որ կ'իշխեմ ազգերուն, ես կը տիրեմ աշխարհին»:
Ամենակալ Տէրը մեզի հետ է.
մեր հայրերուն Աստուածը մեր ապաստանն է:

ՇԱՐԱԿԱՆ- ԱՂՈԹՔ

*Տէր ողորմեա, Տէր ողորմեա, Տէր ողորմեա, Տէր ողորմեա:
Ամենասուրբ Երրորդութիւն, սուր աշխարհիս խաղաղութիւն:
Եւ Հիւանդաց բժշկութիւն, ննջեցեաց արքայութիւն:
Արի Աստուած Հարցն մերոց, որ ապաւեն ես նեղերոց:
Տէր ողորմեա, Տէր ողորմեա, Յիսուս Փրկիչ մեզ ողորմեա:*

*Պահապան ամենայնի Քրիստոս,
աջ քո հովանի լիցի ի վերայ իմ ի տուէ եւ ի գիշերի,
ի նստիլ ի տան, ի գնալ ի մանապարհ,
ի ննջել եւ ի յառնել, զի մի երբեք սասանեցայց.
եւ ողորմեա՛ քո արարածոց եւ ինձ բազմամեղիս:*

ՕՐՈՒԲԱՆ ՆԻԹԸ



ՄԱՐԳԱՐԷՈՒԹԻՒՆ ԵՐԵՄԻԱՅԻ

16 ԳԼՈՒԽ

ԱՍՏՈՒԾՈՑ ԿԱՄՔԸ ԵՐԵՄԻԱՅԻՆ ԿԵԱՆՔԻՆ ՀԱՄԱՐ (16:1-13)

Աստուծոյ մէկ այլ ուրիշ պատգամը ուղղուած մարգարէին. «Քեզի կին մի առնէր: Զաւակներ չունենաս» (1 հմբ): Զարմանալի պատգամ մը կ'ուղղուի, սակայն, կը յիշեցնէ Քրիստոսի այն խօսքը. «Այդ օրերուն վա՛յ է եկեր յիներուն եւ ստնտու կիներուն» (Մարթ 24:19 հմմտ Ղուկ 21:23): Կամ Պօղոս Առաքեալի այն խօսքին. «Նկատի ունենալով վերահաս նեղութիւնը, աւելի լաւ է որ մարդ ինչպէս որ է՝ այնպէս մնայ» (Ա Կորնթ 7:26): Որովհետեւ Աստուծոյ ահաւոր բարկութիւնն է որ պիտի յայտնուի, ուստի մարգարէն իր իսկ կեանքի օրինակով ցոյց փալու այդ բոլորը եւ հրաժարելի այն բոլոր առօրեայ կեանքի պարտկանութիւններէն ու պարտաւորութիւններէն, ու միայն մտածելու հոգիի փրկութեան մասին: Որովհետեւ որքան ալ Աստուածահիմն կանոններ են ու կեանքի բնական ընթացք եւ երեւոյթ, բայց նաեւ անոնք կրնան յաճախ արգելք ըլլալ մտածելու մեր հոգիներու փրկութեան մասին:

Մարդ արարածը բարօր կեանք կ'ապրի, որովհետեւ այդ բոլորի մէջ կայ Աստուծոյ խաղաղութիւնը, ողորմութիւնն ու գթութիւնը: Անգամ մը որ այդ բոլորը վերնան մարդը կը մաքնուի ամէն փեսակի դժբախտութեան ու դժուարութեան (5 հմբ): Առաւել եւս, այս կացութեանց մէջ ոչ պիտի կարենան թաղուիլ, ոչ սուգ բռնել, մարմիններու վրայ կտրածներ ջրնեն, մազերը չփեղտեն, սուգի հաց պիտի չբաժնեն, միտքարութեան բաժակ պիտի չխմեն (6-7 հմբ):

Ոչ միայն սուգի, այլ նաեւ Տէրը կը պատուիրէ մարգարէին որ առաւել եւս կոչուի փրկող: Սուգի փուն երթալու որպէսզի միտքարէր, բայց պիտի չերթայ, իսկ կոչուի փրկող, որովհետեւ կը նշանակէ անոնք կարծէք անպարբեր մարդիկ են, փոխանակ անդրադառնալու ու սգալու իրենց մեղքը, ընդհակառակը, անոնք փակաւին կը շարունակեն կերուխումը (8-9 հմբ):

Իսկ եթէ հարցնեն ինչո՞ւ այս բոլորը, ի՞նչ պատճառով: Որովհետեւ ձեր հայրերը Տէրը թողուցին, ուրիշ աստուածներու ետեւէ գացին, իսկ դուք ձեր հայրերէն աւելի չարութիւն ըրիք, անոր համար ալ օտար երկիր պիտի երթաք, օտար աստուածներու ծառայութիւն պիտի ընէք, եւ Աստուած պիտի չողորմի (10-13 հմբ):

ԱՔՍՈՐԷՆ ՎԵՐԱԳԱՐԸ (16:14-15)

Հակառակ այս դաժան ու խիստ վիճակին, Աստուած Իր ողորմութիւն ցոյց կու փայ, եւ կը խոստանայ, որ այս անգամ ոչ թէ Եգիպտոսէն պիտի հանէ զանոնք, այլ՝ հիւսիսի երկրէն: Հեթաքորթական է, որ մարգարէական այս պատգամները հետեւեալ ձեով կը ներկայացուին, ամէն մէկ հարուածի կամ դառն պատիժի դիմաց, Աստուծոյ ազատագրումի խոստումը: Որովհետեւ Աստուած հաւատարիմ ու ճշմարիտ է Իր փրկած խոստումին, որ խոստացաւ Աբրահամին, Իսահակին եւ Յակոբին եւ գալիք սերունդներուն, որպէսզի իրենց փայ այն խոստացուած երկիրը, որ յախրենական կեանքն է, բոլոր անոնց որոնք Իրեն կը դառնան զղջումով եւ ապաշխարութեամբ: Այս խոստումը նաեւ յոյս մըն է անոնց որոնք արքայ պիտի երթան, որպէսզի այդ յոյսով շարունակեն ապաւինել Աստուծոյ եւ պահեն իրենց հնազանդութիւնն ու հաւատարմութիւնը:

ԳԱԽՔ ՊԱՏՈՒՀԱՄԸ (16:16-18)

Ահա թշնամին կը ներկայանայ ձկնորսի եւ որսորդի կերպարով (16 հմբ): Աստուծոյ աչքէն բան մը չի վրիպիր, որովհետեւ Աստուած ամենագէտ ու ամենաարեւ է (17 հմբ): Յաճախ այնպէս կը կարծենք, որ ո՛վ կը փեսնէ մեր ըրածը, կամ թէ ո՛վ կ'իմանայ թէ ինչ ըրինք: Բայց իւրաքանչիւրիս խորհուրդները, խօսքերն ու գործերը յայտնի են Աստուծոյ առջեւ: Կրկնակի պիտի ըլլայ հապուցումը (հմմտ Ելից 22:4, 7), որովհետեւ անոնք երկիրը պղծեցին ամէն փեսակի պղծութիւններով (18 հմբ):

ԵՐԵՄԻԱՅԻՆ ՎՍՏԱՀՈՒԹԵԱՆ ԱՂՕԹՔԸ (16:19-21)

Ահա մարգարէն կը խոստովանի եւ կը յայտարարէ, թէ Տէրը Ինքն է իր գօրութիւնը, բերդը, ապաստանարանը նեղութեան ժամանակ: Հիացումը կը յայտարարէ թէ ինչպէս Իսրայէլը որ հեռացաւ Աստուծմէ, ահա երկրի ծայրերէն ազգերը պիտի գան, պիտի խոստովանին թէ իրենց սրտին, ունայնութիւն եւ անօգուտ բաներ ժառանգեցին: Հիմա հասած է պահը վերադառնալու ճշմարիտ Աստուծոյ: Որովհետեւ մարդ չի կրնար իրեն համար աստուածներ շինել: Պիտի գայ պահը երբ Աստուած ցոյց պիտի փայ Իր գօրութիւնը եւ անով ճանչցնելու թէ Իր անունը Եհովա է, որ կը նշանակէ Ան որ է, էր եւ որ պիտի գայ, Յախրենականը: